



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Unio.

urn:nbn:de:hbz:466:1-10447

VOTUM.

Primò, qui dubitat se emisisse votum, an teneatur illud adimplere? Respondetur quòd tutiorem partem debet amplecti, nempe non emisisse, quia potior est conditio libertatis, Navar: *conf: 26, de vot: potest hoc comprobari à simili: nam in obscuris legatis piis, quod minimum est, comprehendere debet, ut si quis legaret singulis annis mensuram olei alicui Ecclesie, de minima mensura debet intelligi, nisi aliter se habeat consuetudo, Cov. cum aliis in ca: indicante, num: 4, de testam: Dyn. in ca: in obscuris, num: 4, de reg: jur: lib: 6.*

Secundò, si filius erit negligens in exequendo votum emissum à patre, poterit privari hæreditate, & etiam legitima, *ca. licet, de voto, & ibi Doct. Cov. in ca. si hæredes, num: 9, juxta medium, de testam.*

UNIO.

Primò, quomodo unio probatur? Respondetur, quòd etiam per testes, & per instrumenta, & ex præscriptione immemorabili. Aymon. *tract: de antiquitate, num: 74, Caputaq. decis: 344, & decis: 347, Rot: decis: 200, & 375, in antiquis, Fel: in capit. si diligenter, col: 10, ver: 9, de præscript.*

Secundò, an unio facta per Ordinarium, cum onere legendi sacram Scripturam, sit simoniaca? Respondetur, quòd non. Caputa. *decis: 348, p. 3, ca. sig-*

nificasti, de ele. c. significatum, de præb. vide superius, in ver: simonia, §. 13.

Tertiò, an legatus à latere possit unire beneficia juris patronatus, sine consensu patronorum, & non vocato Ordinario? Respondetur negativè, Caputaq. *decis: 450, p. 3, quia non potest unire beneficium in præjudicium Ordinarii, Aegid. decis: 513.*

Quartò, unio Monasteriorum monialium quomodo sit facienda? Respondetur ex Sac. Congreg. *declar. 191, in meis, in hæc verba: Unio Monasteriorum monialium est facienda, cum subest aliqua causa legitima, accedente ad id auctoritate Papæ.*

Quintò, utrum etiam beneficia vacantia, etiam affecta, possint uniri Seminario, ita Sac. Congre. *declar. 424, & Sac. Conc. Trid. sess: 23, ca. si juxta medium, decrevit, quòd etiam antequam vacent, etiam si vacant in Curia.*

Sextò, quæ sit causa potissima, qua Sac. Con. & summi Pontifices, & locorum Ordinarii impelli debent ad unienda beneficia aliquibus capitulis, parochialibus, hospitalibus, seminariis, vide Bul. Pii V. *quæ est 46, & incipit, Ad exequendum.*

Septimò, an Capitulum possit unire, vel præstare auctoritatem unioni, Sede vacante? Respondetur, quòd sic, *c. unico de major. & obed. lib: 6, dummodo per eam unionem nihil juri Episcopali detrahatur, & si dices, detrahatur juri Episcopali, quia per illam unionem privarentur Episcopi jure conferendi? Respondetur, quòd hoc non*

non obstat, quia si hoc obstaret, neque valeret unio facta ab Episcopo de beneficiis affectis Papæ, cum Papa etiam veniret privatus jure conferendi, sed tunc intelligitur detrahi juri Episcopali, quando jus, quod Episcopus habebat super illo beneficio, amitteretur, & sic solet superponi in Bullis, salvis semper in omnibus & singulis juribus Episcopalibus, alias unio nunquam fieri possit, ita Reb. in reg. de union. Gl. 11. n. 1. & 2. in tit. de devol. num. 100. ait Capitulum posse unire Sede vacante beneficia in his casibus, in quibus potest Episcopus, & citat Imolam, & Card. in Clem. 1. de stat. mona. & Petrum de Perusio tract. de unio. Eccle. c. 4. immo Capitulum potest dissolvere uniones factas, sed cum causa, idem loc. cit. num. 19. sicut potest Episcopus revocare uniones factas à Legato, & etiam à Papa, etiam à se ipso olim factas, idem num. 16. & infra.

Octavo, an Episcopus possit unire beneficia devoluta, & reservata sedi Apostolicæ? Affirmativè respondet Nav. conf. 12. de reb. Eccles. non alien. & conf. 10. de offic. delegat. per sac. Conc. Trident. sess. 21. c. 5. & sess. 24. c. 13. de ref. ubi ait, etiam si dictæ Ecclesiæ, vel beneficia essent generaliter, vel specialiter reservata, aut qualitercunque affecta, & Gom. tract. de mand. provid. num. 117. licet Gom. c. si tibi absentis, num. 16. de prob. lib. 8. dicat non posse fieri unionem ab Ordinario de beneficio devoluto ad Papam ob sui negligentiam, tamen potest intelligi de negligentia ipsiusmet Ordinarij, non con-

Prax. Episc. Pars II.

ferentis illud, & postea vellet illud unire, quia hoc non potest in poenam negligentiam suam, ob quod fuit positus titulus de supplenda negligentia prælatorum: secus verò quando inveniret illa jam devoluta, vel propter prædecessoris negligentiam, ignorantiam, vel absentiam, vel ob diutinam Episcopi vacationem, ad hoc, ut jura, & doctorum tot doctrinæ habeant veritatem, Selua 3. p. 9. 11. qualit. 14: Rebuff. de devol. n. 31.

Nono, an Episcopus possit unire beneficia absque consensu Capituli? Respondetur, quod sic. Nav. conf. 10. de off. jud. deleg. quando hoc facit tanquam Sedis Apostolicæ delegatus, sed Apost. ibi in d. conf. dicit sac. Congreg. censuisse contrarium, tamen sac. Cong. in d. sess. 21. c. 5. de refor. nullam mentionem facit de contentu Capituli, sed fortassis Concilium loquitur de unionibus faciendis ad Ecclesias curatas, propter eorum paupertates, sacra verò Congregatio loquitur de alijs unionibus.

Decimo, an Episcopus possit unire beneficia etiam post devolutionem? Et videtur quod non, quia si non potest conferre, non potest unire, tamen contrarium est veriùs, nempe quod possit, ita Reb. de devol. n. 31. ratio est, quia aliud est conferre, & aliud unire, Pan. in d. c. sicut unire, de excess. prælat. & unio est quodam modo magis favorabilis, quàm collatio, imò, ut superius dictum est, etiam reservata ad collationem Papæ, Nav. d. conf. 12. de reb. Eccles. non alien.

Y

De-

Decimoprimum, unio potest fieri in perpetuum, & ad tempus, & ad hoc debet exprimi in unione, *Reb. de unio. n. 8. & 9.* idque potest Episc. *ibidem, numero 22.*

Decimosecundum, causæ unionis præter relatas à Pio V. *Bulla citata*, sunt duæ potissimæ, necessitatis, & utilitatis: necessitatis, propter paupertatem introituum ad sustentandum ministros Ecclesiæ, & tunc fit unio, similiter & de utilitate, *Reb. de union. à n. 38. & infra.*

Decimotertium, an uniri possit parochialis beneficio simplici, præbendæ, canonicatui cathedralis Ecclesiæ, Capellanix, Monasterio Monialium, vide prout *sup. in ver. parochia*, §. 8.

Decimoquartum, beneficium unitum non potest permutari, *Gom. q. 15. de infir. res.* ratio est, quia sic posset deludi unio, si per continuas permutationes, seu resignationes posset transferri de uno in alterum.

Decimoquintum, unire qui possunt? Responderetur, quod Episcopi, & ejus superiores, non autem inferiores Episcopi, ut Abbates, Priores, Præpositi, Commendatarij, ita *in d. c. sicut unire, gl. in Clem. si. de reb. Eccl. non alien. in ver. Episcopum, gl. & tex. in ver. ordinarios, Clem. ne in agro, §. adhuc, de stat. mon. in ver. ordinarij, in ver. præscripserint, Abb. ibi, & Reb. de unione, num. 32.*

Decimosexto, an beneficia reservata Papæ, etiam vacantia in Curia possit Episcopus unire, *Aneas de reserv. p. 4. pri. effect. §. juxta finem; & effect. 23. n. 2.* videtur dicere quod non, nisi solum ea, quæ reservata sunt reservatione ge-

nerali, tamen ibi videtur aliquantulum dubitare, & nos diximus *superius*, quod vacationes in Curia veniunt appellatione reservationis generalis, & sic ego practicavi in unione, quam feci de quibusdam beneficiis, licet exiguis, quæ inveni vacasse in Curia, quamvis ante meam promotionem ad Episcopatum minorensis, quæ univi capitulo pauperum, & ea potuerim conferri cuiusvis voluissim, quoniam sic impetravit à sanctissimo Domino Nostro Clemente VIII. Illustrissimus Cardinalis Cyntius Dominus meus hoc anno 1597.

Decimoseptimum, quid si Episcopus univit beneficium, & postea, vel ipsemet, vel Papa confert illud, an per hoc cassetur unio? Responderetur primum, quod Episcopus male faceret conferendo, & valet collatio, etiam si fieret à Papa, sed non quoad proprietatem, quia solum suspenditur pro illo tempore unionis effectus, *Staph. f. 54. n. 7. & citat Rot.*

USURA.

PRIMUM, §. 6. si quis fecit contractum in fraudem usurarum in contractu mutui, vel palliati, tunc iudex ecclesiasticus primum debet judicare, quod factus est in fraudem usurarum, & postea iudex secularis poterit procedere ad publicationem bonorum, vel aliam poenam, ut bene sentit Io. de Anania *inconsult. de usur. Afflict. usurariorum, notab. 8. n. 9. in sine*, quod nota pro practica, quia hodie iudices seculares in Regno prætendunt cognoscere omnia de